



selvaclub sagogn

**49avla radunonza generala dil Selvaclub Sagogn
Venderdis, 30 da settember 2022 allas 19:00, Aula casa da scola a Sagogn**

Perstgisas: Gianna, Sina, Dario, Leonora e Enrico Arpagaus, Amanda Cavelti, Paul Schmed, Nicole Schöpf, Gian Maria Ernst, Felix Weicht, Selina Shresta, Ignaz Arpagaus, Pierina ed Abraham Dolf

Presents: 22 persunas (tenor gliesta)

Tractandas:

1. Beinvegni ed elecziun dumbravuschs
2. Approbaziun dalla gliesta da tractandas
3. Approbaziun dil protocol dalla radunonza generala 2021
4. Rapports annuals
 - a) dalla presidenta
 - b) dil cau G&S (Patric Caderas)
5. Rendaquen
6. Rapport dils revisurs ed approbaziun dil quen
7. Preventiv 2022/23
8. Contribuziun annuala
9. Elecziun d'ina nova actuara/d' in niev actuar
10. Plan da lavur 2022/23
11. Gubileum 50 onns Selvaclub
12. Orientaziuns e varia

1. Beinvegni

La presidenta Marianna Manetsch fa in cordial beinvegni als presents ed arva la 49avla radunonza generala dil Selvaclub.

Ella constatescha che la radunonza generala seigi stada publicada 2 gadas el Fegl Ufficial ed ella Ruinaulta.

Kevin Camathias vegn elegius unanimamein sco dumbravuschs.

2. Approbaziun dalla gliesta da tractandas

Era las tractandas da questa radunonza ein stadas publicadas al Fegl Ufficial ed ella Ruinaulta.

Davart la radunonza generala dat ei neginas propostas ni addataziuns pertuccont las tractandas.

Las tractandas vegnan approbadas unanimamein.

3. Protocol dalla radunonza generala 2021

Il protocol dalla 48avla radunonza generala ei publicaus sin la homepage dil Selvaclub. Plinavon ein entgins exemplars dil protocol mess si dapi las 18:30 per prender envesta.

Il protocol vegn approbaus unanimamein cun in grond engraziel al actuar ad interim, Harald.

4. Rapport annual

a) dalla presidenta

Marianna fa in sguard anavos sin atun ed unviern vargau:

Situaziun da neiv:

Igl unviern 21/22 sa vegnir taxaus sco bunamein schi excellent sco gl' onn vargau. Strusch ch'ils pals ein stai fixai han ils trenaments saviu vegni fatgs sin neiv, pia naven da december tochen entschatta mars. Las loipas ein stadas excellentas. Neiv artificziala hai duvrau mo els liugs neuralgics sur la via avon tegia e sur via si tier Beeli.

Tegia:

Era la davosa sesiun d'unviern ei Corona puspei stau omnipresent. En tegia vein tegniu en las mesiras da Corona ton sco necessari, ordvart tegia ei denton tut stau sco tochen dacheu. Grazia al grond engaschi dil team ad hoc havein saviu tegner aviert la tegia mintga di. Pér cu ei era propi mo pli buglia fin fevrer, havein rumiau ensemen il menaschi. In grond engraziament a tuts che han segidau en caussa.

Eveniments:

Miez schaner ha ei puspei pudiu neiver, aschia che nus havein saviu menar atras ils dis da test e fuffernar cun grond success.

Suenter ina pausa da cuorsas el 2021, ei la cuorsa d'uonn a Sagogn che ha giu liug fin schaner, gartegiada dil tuttafatg. La partecipaziun ei stada vasta ed affons, trenaders e gidonters ein stai motivai ed engaschai.

miez fevrer han ils trenaders puspei purschiu in trenament da sera pils geniturs. Suenter trenament essan sesi ensemen en tegia tier ina suppa.

E per finir la sesiun vein nus a caschun dil rumiar si ils praus e schubergiar la tegia fatg ina pintga tscheina da finiziun fin mars.

Da cuort havein era aunc menau l' uustria a caschun dalla fiasta d' atun cun grond success ed a cumpleina cuntentienscha dils visitaders.

Engraziament:

Marianna siara il sguard anavos cun in cordial engraziament dalla suprastonza a tut las trenadras e trenaders per lur grondius engaschi en favur da nos affons, als geniturs per lur sustegn e la motivaziun dils affons. A Roman per sia lavur sco coach e coordinatur da J&S, al team ad hoc dalla Tegia ed als collegas dalla suprastonza per la collavuraziun emperneivla.

b) Rapport dil cau G + S, Patric Caderas

Patric dat ina biala survesta sigl' onn da trenament 2021/22. Trenaments e cuorsas han giu liug sco planisau.

Sco preparaziun sin la nova stagiun ha giu liug in camp da trenamt cun skis sin rodas a Lantsch. In punct culminont da questa stagiun ei stau il camp da trenament polysprotiv giu Tenero, che ha giu liug miez uost. La finamira ei, da répéter quei trenamant mintg' on.

Il In grond quitau fa il digren dils da curridras e curriders ell' JO. Actualmein han ils affons par' ei auters interess. Schegie ch' ils trenadars han priu pliras mesiras, sco trenaments da fuffergnadi, fatg flyers ch' ein vegni reparti en pliras scolas ha ei strusch dau novs partiziponts.

Per la stagiun vegnenta ein vinavon previ trenaments da fuffergnadi.

Plinavon duein la menadra da GKB SportKids dall' Alpenarena, Mirjam Derungs, sco era la menadra dalla scola local Sagogn e Schluein, Carla Berther-Brunold, vegni contactadas per menar atras dis da fuffergnadi ni da trenament durant gymnastica da scola.

5. Rendaquen

Nies cassier René Wellinger explichescha il quen annual 2021/22.

La facultad dil Selvaclub munta ils 22-09-2022 sin **frs. 78'0143.57**.

Schegie che nus havein cumprau nova vestgiadira da trenament pigl atun per rodungd frs. 9'800 siara il quen cun in gudogn net da **frs. 2'592.42**.

Actualmein mauncan denton aunc entgins quens che pertuccan la fiasta d' atun. Quels vegnan denton risguardai el proxim quen.

Plinavon explichescha René cumpetent tuttas posiziuns el quen cun informaziuns corrispundents.

6. Rapport dils revisurs

En num da nos revisurs Enrico Arpagaus e Hans Niederberger constatescha Hans che tut las quittanzas ein avon maun e che la contabilitad seigi vegnida menada cunscient e schuber sco adina. Hans propona alla radunonza d'acceptar il rendaquen e da dar la descharscha a cassier e suprastonza.

Il quen vegn approbaus unanimamein.

In grond engraziament a René per siu grondius engaschi sco cassier dil Selvaclub.

Plinavon engraziein era a nos revisurs Hans ed Enrico per lur preziada lavur.

7. Preventiv 2022/23

Sper entradas da sfr. 36'510.00 prevesa il preventiv expensas da sfr. 37'900.00.

Las expensas principalas ein previdas per camps da trenament ed excursiuns da nossa JO e per la cumpra da rauba e l' indemnisazin dils/dallas gidonter/gidontras en tegia nordica.

Il preventiv vegn approbaus unanimamein.

8. Contribuziun annuala

La suprastanza propona da mantener la contribuziun annuala sco tochen dacheu. La contribuziun per commembers "A" resta vinavon sin frs. 40.00 e commembers digl SST pagan naven da 18 onns medemamein la contribuziun da frs. 40.00 (analog comembers "A"), persunter denton negina contribuziun per l'JO.

La proposta vegn approbada unanimamein.

9. Elecziun d'ina nova actuaara/d' in niev actuar

Dapi entgins onns ei il Selvaclub senza actuaara/actuar e Harald surpriu quei post mintgamai per la RG.

La funcziun dil post d'actuar ei da:

- prender si in sempel protocoll dallas paucas radunonzas
- da semetter en cun ideas ed engaschi ell'organisaziun dil menaschi duront la sesiun da cuorsa liunga

Entschatta stad ha Daniel Tuggener, che habitescha dapi quest onn a Sagogn, mussau interess da surprender la funcziun d'actuar.

Daniel, che ei oriundamein da Turitg, fa ina courta presentaziun. El enconuscha la surselva dapi biars onns. Ils emprems contacts ein stai els camps da skis silla camona da Nagens. Pli tard diversas gadas duront survetsch militar en differents loghens dalla Surselva. El ha fetg bugen muntognas. Ses hobis ein denter auter turas skis ella muntogna, ir cun bike ni a pei e secapescha far cuorsa liunga. Sia emprema lecziun da skating ei stada cun Gion Camathias a Bargis.

Aschia eis ei stau clar per el che sia habitaziun da vacanzas sto esser en Surselva. Ina cuntrada ideala per ses hobis, mo era ina regiun varionta cun ina aulta qualitat da viver. Ina impurtonta purschida per il guvens vegn dil SelvaClub. Silla pagina d' internet ha el viu ch' ina persona muncava ella suprastanza. Sco pensiunari ha el ussa temps per in niev engaschi ed ei perquei bugen prompts da prestar sia contribuziun.

Daniel vegn elegius unanimamein e cun grond applaus.

La presidente gratulescha a Daniel per l'elecziun e selegrel sin ina collavuraziun fritgeivla ed engaschada.

10. Program da lavur 2022/232

Drizzar en pil menaschi d'unviern	12.11.2023
Test da skis	07.01.2023
Fuffergnadi da skis	08.01.2023
Cuorsa a Sagogn , classic	21.01.2023 (cun fiasta dil club)
Fin dalla stagiun (marathon)	12.03.2023

11. Giubileum da 50 onns Selvaclub

La stagiun 2023/24 ademplescha il Selvaclub el 50avel giubileum. Quella stagiun da giubileum lein nus buca simplamein schar vargar senza occurenzas spezialas. L' idea ei da formar in comite d' organisaziun e d' elavurar differentas occurenzas/mesiras. Per partizipar al comite d' organisaziun demuossa Janic Camathias spontanamein interess.

Auters interessents astgan bugen s' annunziar tier la suprastonza

12. Orientaziun e varia

Tegia:

Sco ils onns vargai vegn Marianna puspei a tarmetter tier a tuts commembers il calender dil menaschi dalla tegia culla supplica da sescriver en ina ni l'otra ga.

L' indemnizaziun per commembers sur 18 onns munta sin frs. 20.- per ura, per affons denter 10 e 18 onns frs. 15.- e per affons tochen 10 onns frs. 5.- per ura.

Per pettas dat ei mintgamai frs. 15.-.

Homepage:

Per tuts commembers che han fotografias da trenament, da cuorsas ni e schiglioc fotografias adattadas en connex culla JO ni cuorsa liunga ein envidai da tarmetter quels a Gian-Maria Ernst ni alla presidenta per publicar quellas sin nossa homepage.

Ulteriurs termins :

Cuorsas energia alpina cup

31 da december 2022	=>	Trin	(classic)
28 da schaner 2023	=>	Sedrun	(skating)
25 da fevrer 2023	=>	Trun	(skating cun elements da xcross)
05 da mars 2023	=>	Castrisch	finiziun

Cassier

Last but not least havein nus in giubilar en nossas retschas. Marianna explichescha che **René Wellinger ei dapi 40 onns cassier dil Selvaclub** e dapi la biall' entschatta comember dil Selvaclub. Marianna digna sia gronda e conscienziusa lavur che René ha fatg duront quel liung temps en favur da nies club.

Cun in cordial engraziament e cun grond applaus dalla radunonza generala surdat Marianna a René in bienmeritau schengetg.

Allas 20:30 siara nossa Marianna la 49avla radunonza generala, engrazia als presents per lur preschientscha ed envida ils commembers a tscheina alla uustria VISTA Sagogn.